

Museo Arqueologico Nacional Aruba conhuntamente cu Universidad di Leiden cu un investigacion regional



ORANJESTAD (AAN): Museo Arqueologico Nacional Aruba (MANA) a ricibi seis colaborador di investigacion for di Universidad di Leiden cualnan ta Prof. Dr. Corinne Hofman, Dr. Menno Hoogland, drs. Niels Groot, drs. Sjoerd Van Der Linde, drs. Hayley Mickleburgh y Dr. Sebastiaan Knippenberg. Hunto cu e Departamento Cientifico di MANA ta haciendo un estudio di diferente artefacto di e coleccion na Museo. Esaki ta den cuadra di e proyecto di investigacion di VICI "communicating communities" cu ta ser financia door di Organizacion Hulandes pa

Investigacion Cientifico (NWO) y ta ser implementa door di e Facultad di Arqueologia na Universidad di Leiden.

E proyecto VICI ta investigando e red di interaccion (interactienetwerken) pre-colonial den e ambito Caribeño. Pa cu esaki tambe ta ser examina e movilidad di e prome habitantenan y tambe e intercambio di bienes y ideanan den e periodo entre 6000 P.C. te e yegada di e Europeonan.

Den e estudio aki, ta ser considera cu antes e lama Caribe tabata fungi como autor principal pa por a comunica. P'esey e proyecto aki ta extende riba ful e region Caribe, incluyendo



Antiyanan Menor y Mayor, sur di Caribe, costa di Guyana, Venezuela y Colombia y costa caribeño di America Central.

Un combinacion di metodo- y tecnicanan arqueologico, antropologico y cientifico lo ser uza pa por analisa y interpreta e obhetonan arqueologico.

Un total di 12 investigador ta traha den un equipo riba tres sub-proyecto di cual lo haci investigacion di origen di materialnan di eskeleto humano, ceramica y litico.

E relacion entre e sur di Caribe, especialmente e Islanan ABC y un parti di e continente di Sur America por surgi pa comprende mihor e importancia di e coleccion cu tin na Aruba.

E resultado di e investigacionnan aki por significa perspectiva- y pistanan nobo den cuadra di e relacionnan entre e islanan y tera firme den e tempo pre-colonial pa cu e arqueologia di Aruba. Diadomingo awor for di 10 or di mainta te cu 2 or di merdia Museo lo ta habri. Di 11 'or di



mainta te 12 'or di merdia, Dr. Knippenberg y drs. Mickleburg di Universidad di Leiden lo ta presente y lo

duna un presentacion na publico engeneral tocante nan investigacion realisa aki na Aruba.